

十朝东华录

道光朝

第八
函七册

秋七月癸丑高郵湖河溢○調林則徐爲江甯布政使陸言爲河南布政使○丙辰以蔣祥墀爲左副都御史

由太常寺卿遷

○戊午命陶

澍偕程祖洛籌辦江蘇災賑並借張井勒辦漫口隄工○己未命留安徽潘庫正項及鳳陽蕪湖關稅銀五十萬兩備安徽賑需並

免各關米稅○辛酉改直隸豐潤霸州營田仍歸地方官經理○己巳命白鎔查勘江南災賑○癸酉諭長齡等奏扎隆阿參奏伊

薩克句結謀逆一案審明盡屬虛誣並究出商同捏造之委員迎合承審之章京及教供誣證之通事回子等按律分別定擬一摺

此案已革喀什噶爾參贊大臣扎隆阿身任邊疆重寄於卡外賊情未能覺察率派滿漢官兵冒昧輕出以致全行陣歿又不將官

弁伯克回民等妥爲布置令其併力防堵一任伯克等奔入新城潛匿回城失守轉因民眾爭言將回城全行拘集遂致兵民乘亂

殺掠扎隆阿束手無策已屬罪無可逭迨聞解之後又復姑息奸民聽信劣幕竟敢藉賊匪反間之蜚言捏構疑獄圖陷伊薩克以

叛逆重情嗣被參解任仍復撫拾虛詞妄奏肆抵是扎隆阿汚穢伊薩克之罪尙小其以無據之詞妄行入奏欺君罔上之罪爲大

本應在軍前卽行正法示眾否則解京廷訊後再行正法實屬罪所應得姑念其在喀什噶爾防堵三月保守城池究有微勞尙可

暫寬一綫著照所議斬監候秋後處決歸入明年朝審情實辦理先在阿克蘇柳號兩箇月滿日派委安員解交刑部監禁委員候

選同知直隸州周彭齡於扎隆阿奏參伊薩克句結之事慮及枉殺多人難以入奏輒任意羅織希圖構成冤獄長齡等擬以發往

軍臺效力尙覺情重法輕周彭齡著革職在喀什噶爾柳號一箇月滿日發往伊犁充當苦差以爲劣幕舞文者戒喀什噶爾印房

幫辦章京主事職銜金奇賢於委審各回子供證一味迎合任聽通事莫洛人等串供誣指實屬故入人罪照例罪應杖流念其隨

同守禦微勞著革職免其治罪喀什噶爾印房章京國子監助教升用同知春祥與金奇賢會同審訊厥罪維均亦著革職喀什噶

爾換防總兵多隆武於兵民乘亂殺掠恃眾挾制不能彈壓約束已有應得之咎迨哈喇阿咨詢該總兵輒依扎隆阿原奏誣捏各

款扶同咨報實屬錯謬多隆武著卽革職參贊大臣哈喇阿楊芳草率取供輒行人奏亦屬不合著一併交部議處回子郡王衛阿

奇木伯克伊薩克著仍留軍功王爵飭令駐京當差其次子邁瑪特准其隨帶進京伊長子愛瑪特著仍回阿克蘇阿奇木伯克之

任回務章京福奎見經訊明伊薩克並無謀逆情事其前被扎隆阿奏參失察請革職治罪之處著無庸議卽飭令回任供職藍翎

千總升任漢中鎮屬守備楊應元於差探旋回時因疑妄稟見雖據實供明惟前後供詞狡展本應治罪因該弁守城殺賊面受槍

傷亦有微勞著拔去藍翎降爲把總以觀後效兵丁閻喜詭言有賊致眾人一齊擁進又民人劉漢閻良貴派充民勇頭目不遵禁

令不管束眾民著將閻喜革退名糧與劉漢俱發邊遠充軍閻良貴因守禦受傷著減爲杖一百流三千里常奉清供情始終含混

殊屬狡詐著發邊遠充軍劉紹濟李紹庚始以懷疑率請參贊援查嗣後任意妄供亦屬狡詐俱著杖一百徒三年布魯特把把哈

提拜占帕拉特訊未從逆且被賊鎖禁用銀贖免乘間投回著酌加賞資飭令各回游牧回子通事七品明伯克阿布都吉里教供

誣指著革去七品明伯克發給各省駐防官兵爲奴其在喀什噶爾供證伊薩克勾結之各回子見俱到案供明均著免其置議至喀什噶爾民眾當賊匪圍城時安肆浮言搶掠財物濫殺無辜不法已極本應悉行正法姑念其隨同守城三月尙有微勞著從寬免死將來安置各處儘有稍滋事端無論所犯何事卽行正法其無辜被戮之大小伯克著該將軍等查明一併照陣亡例給予卹典同時被殺之回眾並著確查有無家屬按名照例給予卹賞銀兩以示優卹○諭軍機大臣等據長齡等奏會籌善後事宜一摺前將內外諸臣各條奏回疆善後事宜發交長齡覈議並派玉麟一同悉心籌酌務期經久可行茲據奏參贊總理八城應請移駐葉爾羌乃能適中扼要措置咸宜該處地廣戶繁可以多駐官兵去秋回子用命著有明效該城距喀什噶爾六站外夷進卡接見在不遠不近之間足資控制其幫辦大臣仍照例專管本城事務再將和闐領隊大臣移駐一員隨同參贊就近聽其調遣喀什噶爾卽留換防總兵一員在彼統兵駐守英吉沙爾仍駐領隊大臣一員在於葉爾羌阿克蘇適中之巴爾楚克一帶添調總兵一員統兵駐守以爲樹窩子咽喉鎖鑰添此一鎮則六城相距均不過數百里聲氣易爲聯絡和闐在一隅止留領隊一員足資辦理其滿漢防兵額數請於西四城見有兵六千餘名外再酌留伊犁烏魯木齊馬隊二千名陝甘綠營兵四千名通計原額新增共滿漢兵一萬二千餘名除阿克蘇烏什見各有兵一千二百名無庸議增外喀什噶爾擬駐綠營兵三千名以總兵統之作爲前敵防守邊卡如探有卡外情形隨時具報如遇大股賊匪卽稟報參贊發兵援剿英吉沙爾擬駐伊犁馬隊五百名綠營兵一千名領以遊都佐領等官統歸領隊大臣管轄爲前後二城中權接應巴爾楚克擬駐綠營兵三千名以總兵統之擇地築堡駐紮和闐僅有防兵二百餘名擬再添兵二百餘名共足五百名以上各處防兵均令各該管官認真操練此外滿洲兵二千名漢兵四千餘名擬令全駐葉爾羌應以副將協領等官分領該參贊等務令加意訓練合力操防至防兵應需糧餉於各省綠營兵額內暫裁百分之二每年可節省銀三十餘萬兩所有酌添防兵六千名卽在此項節省銀內支給有贏無絀等語均著照所議辦理至所稱新增兵額酌量隨時抽撤之處究竟將來如何情形方可裁撤及裁撤之後又將如何辦理始臻妥善必須豫爲籌畫計出萬全見經此次籌議自必控制得宜賊匪斷不敢遽萌窺伺儻萬一入卡來犯總要無須內地籌餉調兵方爲妥善必須從長計議庶免撥運之勞而成入遠之道卽屯田一事以回疆物產供回疆兵糈均應酌定章程善爲經理將來各城改設各官必須慎揀得力之員以資委任該將軍等久駐回疆該處各員賢否自必深悉著出具切實考語詳晰開單保奏候朕簡放至茶葉大黃等物准其弛禁其遠部落輸納款並霍罕果能獻出賊目請罪投誠再准其通商交易以示羈縻至上年入卡各賊目前次開單交該將軍等按名查拏務須將著名之犯多獲數名不可任其逃匿惟卡外夷情詭詐百出借縛獻賊以爲名妄希重賞切勿受其所愚致爲外夷所笑又喀什噶爾換防總兵多隆武見已革職著卽先行派員署理以重職守○以辦災遲緩降額騰伊爲江蘇按察使以銜慶爲湖北布政使

由江蘇按察使選

○丙子頒

御製文初集

○戊寅召薩迎阿來京調嵩惠爲盛京工部侍郎以普保爲理藩院左侍郎

○庚子召薩迎阿來京調嵩惠爲盛京工部侍郎以普保爲理藩院左侍郎

○庚子召薩迎阿來京調嵩惠爲盛京工部侍郎以普保爲理藩院左侍郎

○庚子召薩迎阿來京調嵩惠爲盛京工部侍郎以普保爲理藩院左侍郎

○庚子召薩迎阿來京調嵩惠爲盛京工部侍郎以普保爲理藩院左侍郎

○庚子召薩迎阿來京調嵩惠爲盛京工部侍郎以普保爲理藩院左侍郎

○庚子召薩迎阿來京調嵩惠爲盛京工部侍郎以普保爲理藩院左侍郎

○庚子召薩迎阿來京調嵩惠爲盛京工部侍郎以普保爲理藩院左侍郎

已卯命穆彰阿朱士彥馳往江南查辦災賑○調鄂順安爲盛京戶部侍郎凱音布爲盛京刑部侍郎○是月給湖南武陵等五州縣貴州桐梓縣石硯衛水災口糧貸江蘇江甯等六營災備兵餉展緩直隸冀州等五州縣歉收通賦倉穀緩徵貴州貴筑縣水衝沙壓田賦

八月庚辰朔諭各督撫慎選州縣查辦災賑並緝拏會匪○己丑賞曹振鏞雙眼花翎○辛卯晉長齡太傅○壬辰諭上年戶部堂官失察蔡繩祖等私辦假照一案吏部等衙門按照本年月久暫及失察名數多寡分別議以降級調用朕因人數過多一時簡用乏人加恩節降頂帶分別留任本年因係朕五旬萬壽慶辰特降旨將各該管堂官頂帶賞還並將降留處分悉予開復各部院堂官管理事務理宜督飭司員嚴查弊端假照一案書吏營私舞弊自嘉慶二十一年至上年破案時已及十有餘載如果歷任各堂官留心察看燭破其奸隨時懲辦何至經年累月書吏等肆無忌憚所獲贓私難以數計釀成如此重案且彼時如王開雲巴齡阿盛唐柏凝劉光三等均有條奏之件該堂官等亦應及時儆省覺察嚴加防範乃平日既漫不經心而於有人條奏議定章程之後猶復視爲具文並不嚴飭司員實力奉行似此因循疲玩相習成風實於官常吏治大有關繫不可不亟加整頓著通諭各部院堂官嗣後務當振作有爲痛改因循積習除奸剔弊督率司員於應辦公事認真稽覈毋許仍前怠玩任聽書吏等執法營私致干重咎儻司官中有不實心任事者即著隨時劾參不得有意姑容遲俟三年京察屆期方行甄別經此次訓諭之後各該堂官如仍不知振刷精神盡心乃事或存推諉之心或存附和之意捫心自問能無愧乎若仍任聽書吏作奸犯科一經發覺必將各該堂官照部議分別辦理不稍寬貸朕綜理庶政一秉大公各該堂官總當激發天良隨時儆省毋謂寬典之可以屢邀也○乙未松筠以病免調穆彰阿爲兵部尚書富俊爲工部尚書以博啓圖爲理藩院尚書調桂輪爲戶部右侍郎轉那丹珠爲兵部左侍郎調鐵麟爲兵部右侍郎以那彥成爲盛京禮部侍郎○丁酉諭大學士九卿會議整飭各部院註銷章程一摺各部院辦理事件每月兩次造冊赴科道衙門註銷載明已完未完各若干件科道月終題奏如有遺漏逾限者參處各部又設立督催所查催各司所辦事件以防積壓其見辦事件按季具奏各部院復於年終赴河南道照刷文卷由河南道彙題必註明有無漏辦難結事件似此層層稽覈立法至爲周詳承辦各員果能依限辦竣認真查察何至有積壓未辦之事件任令該書吏於註銷時混行填寫且各司收文均有號簿每件之下必註明收文辦稿呈堂行文各日期如果細心查開目不至遺漏遲延據大學士等奏稱若有專員稽覈自更有所責成著照所議令各部院於各司中揀派滿漢司員各一人專司查覈於文書收發逐件清楚填寫註銷時再爲詳細覈對掌印主稿司員仍不時留心稽察不得以派有專員管理即置不問其督催所司員又將各司事件按限查催趕辦恐日久視爲具文該科道等必應認真稽察於每月註銷事件年終照刷文卷之時逐條磨對儻有未完事件書吏捏填已完著著隨時參奏懲辦以防延閣而杜弊端○己亥諭朕本年閱看三旗侍衛弓箭因思我朝自發祥以來 列聖垂訓八旗兵丁均以弓箭爲重必應永遠遵行

於平時勤加訓練使知激勵方足以成勁旅而資捍衛見在八旗都統副都統均係朕宗支親屬信任大臣如果認真整頓俾兵丁
 咸能得力即養育兵閒散人等亦均知所觀感八旗營務自自然日有起色該都統等盡心職守克副倚畀不獨朕知人善任深為嘉
 悅即該都統等亦覺與有光榮近因承平日久武備漸就廢弛各都統等於挑選披甲時往往計及於兵丁家口並不視弓箭之優
 劣為去取殊不知兵餉之設原以養有用之兵並非養贍貧乏戶口各旗披甲均有應行練習差使與養育之調劑生計者不同顧
 名思義自不應以技藝平常庸懦無能者濫行挑補虛糜帑項且遇缺挑選隨時可以整頓並非另立操練章程何難實力奉行各
 省駐防兵丁固須悉心校閱八旗拱衛神京關繫尤重不可不加意講求著通諭八旗都統等嗣後遇有披甲缺出務當認真考驗
 必須弓力較強箭有準頭者方准挑補不得藉口調劑以致有名無實並著查旗御史於各旗挑缺時留心查察如該都統等意涉
 瞻徇所挑之兵仍有弓箭平常者即行據實嚴參其各省駐防挑缺時並著該將軍等一體遵照均以弓箭為重以副朕講明武備
 訓勵旗人之至意○辛丑 上詣 黑龍潭祈雨○壬寅諭用人行政全在賞功罰過一秉大公方足以示勸懲本年春間因那彥
 成上屆在喀什噶爾辦理善後事宜不能妥善行之未及二年又有逆回滋擾之事降旨將那彥成革職昨因那彥成於嘉慶年間
 曾在軍營出力道光年間兩任總督辦理地方公事均無貽誤且追念伊祖阿桂宣力多年是以推恩後裔仍將那彥成補授盛京
 禮部侍郎本日據長齡等奏行抵喀什噶爾據哈喇阿璧昌等述知霍罕先後差來頭人密孜依斯邁提毛拉愛克木等三人呈遞
 親供申訴五年以來斷絕貿易之苦累總以鈔沒驅逐為詞懇求照舊通商等語是上年逆回入卡滋擾實由那彥成嚴禁貿易鈔
 沒驅逐安集延所致如果那彥成上屆辦理善後事宜體察情形等語周安俾逆回各安生業何至激而生變卡外回夷藉口聚眾
 滋擾伊身受重恩特奉諭旨前往並不悉心體察以致釀成事端一年以來勞師糜帑卡內回民復遭蹂躪那彥成誤國戕賢
 卽照例治罪實屬咎所應得豈可復邀錄用著卽革職以示懲儆○諭軍機大臣等據長齡等奏馳抵喀什噶爾署阿奇木伯克作
 霍爾敦率領城莊大小回眾二萬餘人於數十里內夾道歡迎僉稱感戴皇仁誓不從逆經該將軍等親加慰諭接哈喇阿璧昌
 等述知霍罕先後差來頭人密孜依斯邁提毛拉愛克木等三人呈遞親供追敘七十餘年通商納貢之惇誠申訴五年以來斷絕
 貿易之苦累總以鈔沒驅逐為詞懇求照舊通商該將軍等以屯兵既久賊目迄無一獲甚遽允所請不但霍罕不知感恩並恐卡
 外諸夷輕視因將該夷使等傳至接見責令縛獻賊目送出裹去民回諭以爾伯克果能遵辦必為奏懇恩施准令通商納貢該夷
 使等稟稱尙須遣人回去告知該伯克定奪情願酌留一人候信該將軍等擬照例筵宴酌加賞資遣令旋回其所留之人交作實
 爾敦妥為管待等語霍罕差人呈遞親供額求通商果無他意正可趁此責令縛獻賊目送出民回以為一勞永逸之計著該將軍
 等俟該夷稟覆到日妥為辦理據實具奏至善後章程前經該將軍等酌擬太局入奏當卽降旨諭令妥籌數辦茲據奏於輕過各
 城留心體訪復咨行該大臣將見行事宜有無終礙應行變通之處確查妥覆一面先將喀什噶爾必應籌辦之事並呈報

爲商酌仍俟奉到前指批諭欽遵等語該將軍等悉心籌畫逐件妥議具奏移出舊全母任稍留後患方臻妥善其上年喀什噶

英吉沙爾兩處官兵民等因守三月有餘屢次剿殺賊匪以寡擊眾艱苦備嘗殊堪嘉憫除該將軍等業將守禦出力之兵民酌

加賞賚外仍著確切查明再行覈實具奏俟旨施恩所有見在大營駐紮滿漢官兵應裁撤者即行裁撤著該將軍等酌量奏明辦

理○調普保爲盛京禮部侍郎以恒格爲理藩院左侍郎由副都統調○以保昌爲熱河都統蘇成額爲倉場侍郎吳榮光爲湖南巡撫

調臣特亨預爲湖南布政使以吉恒爲浙江布政使調花杰爲四川按察使光聰請爲直隸按察使以鄭祖琛爲福建按察使按察使

使○甲辰以德厚爲左副都御史由大理寺卿調○丁未諭前據松筠奏稱伊近來腰骸不能得力兩目昏花畫臺手顫且遇事健忘懇請

開缺調理朕平日待人以誠松筠係年老大臣既據奏衰病自應曲加體恤當即降旨准其開缺並令安心調理昨據奏精力見已

如前請賞差使朕復經降旨令署理正藍旗滿洲都統朕於松筠奏請開缺及銷假時兩次均經召見察看精力如常並無患病情

形乃數日之間忽稱衰病難支忽稱精力見已如前既請開缺旋即請賞差使進退自由輕率陳奏君臣相與之際總當以誠爲主

朕於各大臣推心置腹既以誠相感各大臣身受重恩尤當以誠相應似此任性自便殊失朕優禮大臣之意不知松筠自問於心

能安與否嗣後各大臣務當仰體朕心共矢敬恭恪守事上以誠之意用副恩眷將此通諭知之○戊申雨○以浙江米價增昂准

暫弛海禁販運臺米○是月給江蘇甘泉等十一州縣湖北江夏等十六州縣江西德化等二十縣水災口糧籽種修費貸江南江

甯駐防及溧陽營兵米緩徵江西德化等二十一縣水災新舊額賦

九月庚戌朔揚河廳永安汛十四堡漫工合龍○乙丑調貴慶爲吏部左侍郎轉特登額爲刑部左侍郎調凱音布爲刑部右侍郎

以裕泰爲盛京刑部侍郎佟景文爲安徽布政使多客安爲廣西按察使由浙江巡撫調○丁丑諭御史恒青奏在京各衙門咨送刑部

案件請查照定例以專責成一摺定例五城及步軍統領衙門收審案件除罪應徒流以上及事涉宗室覺羅者方准咨送刑部其

餘戶婚田土錢債細故並竊盜鬪毆賭博及一切尋常罪止柳杖笞責者均不得濫行送部緣刑部爲刑名總匯各省題咨案件均

須覈覆其見審情罪較重之案尤在專心推鞠始能無枉無縱至在京各該問刑衙門遇有細小事件例應自行清理隨到隨結乃

近來各該衙門收審案件一經訊問每因兩造各執一詞致費推求不問其罪名輕重輒以本衙門例無刑訊爲詞率行送部迨經

部訊其中竟有罪止柳杖笞責或併無罪可科者即使照例駁回而展轉查傳已不免耽延時日拖累無辜且一經送部愚民無知

畏罪情急轉使吏役人等得以乘機詐騙百弊叢生殊失國家設官分理清釐庶獄本意嗣後著照定例五城及步軍統領衙門收

審案件如訊係罪犯徒流以上及事涉宗室覺羅者送部審辦若罪止柳杖笞責等案必須隨時判結不得以案情稍可疑似濫行

送部至刑部遇有各該衙門將不應送部之案率意咨送者亦不得濫行收審即將原案駁回仍據實奏參以專責成而省訟獄○

戊寅諭軍機大臣等長齡等奏見在籌辦情形一摺據稱欲令守邊兵丁實心出力莫如屯田之法但改防爲營事涉紛更一時礙

難辦理請將各省綠營兵額各按馬步守兵分別均勻於每百名內營裁二名洽照各該省覈辦即各省裁缺所節經費由部彙撥解交甘肅藩庫自道光十二年為始歸入回疆經費項下搭運前往以資支發已另降諭旨交該部查明具奏至所稱喀什噶爾英吉沙爾葉爾羌去秋守禦極得兵民之力即回疆亦咸知兵威民力實足以捍衛地方正宜因勢利導俾聯為一體此時該將軍等先將西四城可種之閒地招民開墾有願攜眷者聽之其回子地畝亦不禁其租給民人耕種見令璧昌出示招諭著妥為辦理如試種有效皆知地利可守安家者漸多有願入伍者即准其充食名糧收一眷兵即撤一換防兵額其防兵在戍既久有自願徙眷安家者亦聽其便數年之後可成一半眷兵一半換防之局節省自屬不少且既有眷兵即有餘丁種地之人日多挑兵之人不思其寡彼時換防之額不難陸續撤回內地所謂以回疆物產供回疆兵糈兵民日益蕃昌則回心日益固結是屯田一事實為妥邊便民足食足兵之良法俱照所議辦理其民戶如何安插編管高地如何設法引渠牛具籽種如何籌節經理試墾之初如何分段認種成熟之後如何按畝交糧此時招民開屯必須無礙於回疆生計將來因屯募兵必期無礙於邊地操防一切詳細章程著長齡玉麟與璧昌熟籌妥議務期經久無弊方為盡善俟議定即行會同具奏至茶葉大黃等物前經降旨准其弛禁所有新疆各城茶政著仍循舊例通行概免查禁又據稱前經諭令霍罕夷使縛獻賊目送出裹去之民回見在該夷使尚未旋回霍罕狡詐異常即使此次人來竟能遵諭獻出賊目亦未可全信為真自當防其詭詐如果實在悔罪投誠許其通商交易萬一大羊之性難以德孚亦不值久駐重兵惟當妥籌控制固我邊陲俾頑梗不敢復萌竄伺所論俱是至前次奏請於西四城見有兵六千餘名之外酌留伊犁等處兵六千名通計原額新增共滿漢兵一萬二千餘名茲據覈計分駐西四城及巴爾楚克等處綠營兵較前通計總數尚多一千餘名著即查改畫一又喀什噶爾巴爾楚克總兵員缺道光八年奏案係將涼州改鎮為協以該處總兵作喀什噶爾換防之缺今該將軍等擬於巴爾楚克添總兵一員陝甘地方緊要擬將涼州鎮總兵仍改歸原地見擬安設總兵二員即由陝甘實缺總兵內不論滿漢擇其熟諳行陣平日訓練有方者揀派前往如一時總兵內難派換防或即揀選堪勝總兵之副將奏請賞加升銜署理換防總兵亦著照所議辦理見在喀什噶爾協防總兵員缺據該將軍等查明涼州協副將周悅勝久歷戎行邊情均所熟悉著即派委署理以資熟手○是月緩徵陝西葭州綏德州山東長山等三十二州縣甘肅碾伯等四州縣直隸大城等十一州縣陝西清澗米脂二縣水災旱災蟲災災新舊額賦展緩河南洛陽等九縣水災電災新舊額賦

冬十月辛巳以貴慶為泰甯鎮總兵官轉交經為吏部左侍郎調桂輪為吏部右侍郎阿爾邦阿為戶部右侍郎那丹珠為工部右侍郎以裕誠為兵部左侍郎郭士璣○乙酉嚴煥以病免以林則徐為河東河道總督趙盛奎為江甯布政使經額布為山東按察使由雲南○丙戌諭長齡等奏請暫免喀什噶爾回子應徵布匹一摺喀什噶爾每年額運伊犁布一萬一千一百一十四匹向由各回戶按額徵交惟上年賊匪滋擾該回眾流離遷徙未盡歸業若令照舊輸將誠恐力有不逮加恩著照所請將道光十二十二兩

年喀什噶爾回子應交布匹暫行停徵免其交納以舒同力俟道光十三年該回戶等元氣漸復再行按額徵收○乙未命截留江

西漕米八萬石於南昌九江府屬設廠煮賑○辛丑長齡等奏回疆參贊大臣請移駐葉爾羌總理八城統轄兩鎮兼提督銜其幫

辦大臣一員仍照舊制專管葉爾羌本城兼轄和闐裁和闐領隊大臣一員移駐葉爾羌為領隊大臣共駐滿漢防兵五千名改喀

什噶爾幫辦大臣為領隊大臣又駐總兵一員共滿漢防兵四千名駐和闐辦事大臣一員兵五百名英吉沙爾領隊大臣一員兵

一千名巴爾楚克總兵一員兵三千五百名四城兩鎮合舊駐新增計滿漢防兵一萬四千名其印房等處各官既將參贊大臣移

駐應將喀什噶爾葉爾羌兩城章京筆帖式互易葉爾羌設經牧章京一員專司牧事裁喀什噶爾葉爾羌糧餉章京二員改設糧

餉同知二員再於葉爾羌喀什噶爾英吉沙爾巴爾楚克各設巡檢一員下軍機大臣等議尋議上諭軍機大臣等軍機大臣會同

吏部兵部議覆長齡等奏請添設回疆官兵一摺回疆地方遼廓見辦善後事宜自應將官制兵數量為變通悉臻妥協為長治久

安之計所有參贊大臣移駐葉爾羌有總理八城統轄兩鎮之責著兼提督銜參贊大臣業經移駐其印房等處各官亦著將喀什

噶爾葉爾羌見設之章京筆帖式互相移易並著於葉爾羌添設經牧章京一員專司牧事喀什噶爾葉爾羌糧餉章京二員著裁

去改設喀什噶爾糧餉同知一員葉爾羌糧餉同知一員添設巴爾楚克糧餉同知一員再著於葉爾羌喀什噶爾英吉沙爾巴爾

楚克等處各設巡檢一員同知管商民回子詞訟戶籍屯田巡檢管緝捕盜獄稅課均作為邊遠差缺由陝甘兩省派往其英吉沙

爾分防巡檢歸喀什噶爾糧餉同知兼轄新添文職各官由各該大臣專轄參贊大臣統轄至拜城距阿克蘇較遠著添設分防拜

城巡檢一員管理拜城賽哩木二處商民回子詞訟由陝甘選派作為差缺此次所設同知三員巡檢五員俱著陝甘總督遴選保

守廉潔辦事勤能之員前往該管大臣隨時甄別備有不職之員將濫行派往之各上司參處至喀什噶爾等處添設滿漢防兵俱

著照該將軍等所請辦理○壬寅諭軍機大臣等據昨日長齡等由五百里馳奏各城大臣咨請酌改各事宜分別條款一摺已明

降諭旨依議辦理矣朕因該將軍等久在西陲夷回情形素所熟悉見在辦理善後事宜是以一切添官添兵之議勉從所請惟綜

閱該將軍等奏議不過添兵堵禦添官經理皆尋常計畫何人不能溯查乾隆年間戡定西陲廟謨神算辦理周妥六十餘年久

安長治從未議及增兵如果必須添兵以壯聲威當日諸臣早經議及何待今日且從古以來未見有竭內地之兵力堵禦四夷而

又能行之久遠者況回疆之極邊於居重馭輕之道大相刺謬儼然回疆添一省會日後何能治理必致內外俱困將如之何哉此

時卽照該將軍等所議竟能一勞永逸將國家有常之經費為外夷無益之張羅實不值如此辦理儻仍不能安靖徒勞罔功尙復

成何事體若該將軍等明示霍罕以大皇帝天恩浩蕩許該夷仍舊通商其茶葉大黃俱在所不禁並免其貨稅如此明白宣諭義

正詞嚴霍罕卽犬羊成性亦當感激天恩不至偏強猶昔自可保其無事其縛獻賊目送出回民一節竟可置之不問以示大方至

喀什噶爾添兵四千亦似太多終非經久之計且恐不免有擾累民回之事堂堂天朝轉為霍罕牽制豈不為外夷所輕視見在葉

爾羌既設參贊大臣添兵五千似已足壯國威如果喀什噶爾換防總兵可以不設或酌留兵一千名足以濟事更無慮擾累民回較爲妥善著長齡等悉心遠謀熟籌妥議據實覆奏○甲辰左副都御史德厚蔣祥墀以職司制儀失儀遲誤又不具摺請罪降二級調用○是月賑安徽無爲等二十三州縣衛江蘇上元等二十六州衛浙江仁和等七縣衛兩淮丁谿等六場水災給安徽桐城等十州縣湖南武陵等五縣江西德化縣口糧修屋費貸甘肅皋蘭等十八州廳縣口糧湖南武陵龍陽二縣民墾修費緩徵湖北江夏等二十九州縣衛安徽無爲等四十二州縣衛江蘇丹徒等四十四州廳衛江西建昌安義二縣兩淮丁谿等十五場湖南武陵等八縣衛浙江仁和等十七州縣場衛陝西葭州貴州桐梓縣災歉賦課展緩黑龍江等五處被災營屯驛站連款

十一月己酉朔諭儀親王見已八十六歲年紀過高不宜勞動嗣後 壽皇殿 安佑宮行禮免其隨往如遇應行禮日期著於府第內向上行禮以展其誠敬之心○辛亥諭軍機大臣等軍機大臣會同吏戶兵三部議覆長齡等奏各城換防員弁並新設差缺文職各章程分別准駁一摺著卽鈔給長齡等閱看回疆情形非內地可比見在議屯添兵雖爲慎固封守起見第兵增固足示威而官增究嫌糜帑況各城營伍惟期慎重操防俾收實效足以震懾夷回原不必悉照內地營制該將軍等請添各城武職員弁之處著照軍機大臣等所議令其仍照前奏再行酌量刪減以節糜費而昭覈實至請添文職同知巡檢各員雖前經照議准行此次復酌擬由內地選派及期滿升用各章程惟思該將軍等此番籌畫均係尋常計議溯查乾隆年間戡定西陲 廟諱廣運妥協周詳六十餘年邊圉綏靖爾時從未議及增兵亦未議及增官如果必須添設文職方資治理當日諸臣定當早經籌及詎待今日且果照所議增設未必愿入行之無弊況文職尤非武職可比武職員弁性情粗率備或任意妄爲尙屬易於覺察文職各員由內地調派若年老衰庸者自難任事其年富力強稍有才具者希圖任滿升遷或致夤緣謀調薄不足以收得人之效況夷回異俗必不能以內地禮法繩之徒滋紛擾又既添文員必須書吏此輩舞文弄法因緣爲奸必致貪婪需索苦虐窮回卽經發覺官民處分巧爲彌縫邊陲僻遠易於消弭是內地回子先受添官之累於控制外夷之道實屬無益而有損卽令得人而任而回疆紛紛添設文職衙門是儼然添一省會殊失居重馭輕之策亦不值如此辦理所有添設同知等官雖經議准仍著該將軍等悉心籌畫從長商酌自以不必添設文員更爲妥善總之久安長治全在撫馭得宜斷不可徒事鋪張顧此失彼日後轉多流弊以致內外俱困則悔之晚也○以賽尙阿爲內閣學士兼禮部侍郎銜事大員選○丙辰大學士托津以病免予食全俸○實授吳邦慶漕運總督○王戊以鄂木順額劉彬士俱爲左副都御史 鄂木順額由大理寺調 劉彬士由光祿寺調選○乙丑諭特登額等奏審訊蔣兆璠致書徐寅第列款詆毀一案訊據徐寅第供稱松筠前在直隸交卸督篆進京時言及前赴科布多審案需用茶葉哈達賞賜屬伊遣人赴張家口代買伊隨差家人帶銀購買用銀五百八十兩松筠發還銀五百兩係屬買在先發價在後數與松筠原奏不符著松筠據實明白覆奏○丙寅諭松筠於交卸直隸總督後派赴科布多係審案差使何以率辦茶葉哈達賞需卽欲自行置辦亦應遣家人購買何得率屬直隸

道員代辦前經降旨諭令松筠據實覆奏又未將屬員在先發銀在後詳晰聲敘與特登額等審訊情節不符種種錯謬咎無可辭松筠著交部嚴加議處尋議革職得旨革內大臣賞三品頂帶休致○庚午諭朕恭閱康熙五十九年 聖祖仁皇帝實錄內載吏部等衙門會議各直省督撫題裁閒冗官共三百三十六員應照所題裁汰奉 聖諭口北道缺不必裁餘依議欽此復據吏部查明以後各省裁汰文職閒冗官員單開雍正年間共裁二百五十餘員乾隆年間共裁三百三十餘員嘉慶年間共裁二十餘員道光年間裁汰二員朕詳加披閱仰見我朝 列聖相承激勸官方刪除冗濫至為詳慎國家設官分職原以保乂民生必使闔閭獲益方足收指臂之效若任令冗員濫竽充數其本任既無事可辦而各員官廩一切公用不能盡出已費勢必取之民間是多設一官百姓反多受一官之累即如近日徐寅第收受節壽陋規一案顯係州縣剝脂膏藉以供應據此一端已可概見嗣後若不分別裁汰則閒冗相仍冒濫欲衛民而轉以病民朕心虛保赤非為節省俸精起見總期有裨民生官不虛設始足以臻上理各直省督撫及各河督鹽政悉心覈議於所轄文職閒員如有可裁者酌量裁汰據是奏聞請旨用副朕慎簡官僚勤恤民隱至意○諭前因琦善奏參蔣兆璠徐寅第一案當派特登額等赴直隸秉公審訊業已訊出徐寅第得受蔣兆璠餽送節壽陋規至二千四百兩之多經特登額等按律問擬當降旨照所議完結在徐寅第所屬二府五直隸州四十八州縣既經收受陋規必不止蔣兆璠一人惟蔣兆璠不能指出實據各州縣僉供並無致送節壽陋規情節並出具切實印結朕亦姑免深究徐寅第在直隸平日居官尚非聲名狼藉之人而其得受陋規已盈千累百至於此極因思各直省道府賢愚不等豈盡皆廉介自好之員似此得受陋規者恐亦不少國家設官分職原以安撫百姓道府大員營私肥己該州縣等豈能自出己貲無非朘剝小民脂膏以為逢迎上司之舉實堪痛恨是多設一官百姓即多受一官之累非以安民適以病民矣各督撫經朕特簡具有天良務須破除情面力挽狂瀾嚴查所屬司道府如有得受陋規者嚴參懲辦以儆其餘不得以狷潔自持即為無忝厥職嗣後各直省督撫固宜潔己奉公尤須正色率下儆止己而不能率屬則是形同木偶於地方有何裨益一經訪聞惟該督撫是問決不寬貸○裁古北口外吉爾哈朗圖阿穆呼朗圖兩處千總副千總並盤山委署千總各二○壬申諭軍機大臣等長齡等奏訊據自霍罕回之伯克等稟述情形悉心籌議一摺朕自上年九月派長齡等前往新疆節經降旨不過令設法購綫並未特令向霍罕伯克縛獻賊目送送回民該將軍等沾沾向霍罕要人堂堂天朝轉為霍罕牽制豈不為外夷所揣摩其弔嚙爾拜一名留之何益著即遣回儻霍罕遣使來求通商當明示以大皇帝天恩浩蕩爾等如要通商我當奏聞大皇帝許爾仍舊通好其茶葉大黃俱在所不禁從前鈔沒安集延物件亦可發還兼可免其貨稅如此明白宣諭義正詞嚴庶可折其倔強之心而示我寬仁之度該將軍等既令作霍爾敦寄信即將信稿通便呈覽務須得體不可草率至霍罕伯克邁買愛里年僅二十五歲其事務俱係明巴什作主何以所屬夷眾都願通商獨明巴什一人不肯明巴什是否即係賊目或另有奸謀著密查具奏至所請暫留哈豐阿郭繼昌二員既有聲言在彼鎮撫何以又須該提鎮督同操

練惟據長齡等奏壁昌止能居中調度未使出敵著該將軍等自行酌量如必須在彼即合暫留或辦理善後完竣即令各回本任朕亦不爲遙制其另片奏各城新添官兵應需糧料就近籌備供支見在葉爾羌城添駐官兵五千餘名糧料倍徙於前請改徵本色如數交納此外不敷糧八千餘石及巴爾楚克新設官兵俟壁昌另行籌款等語該將軍等止願目前不思遠圖總之添兵不能不添糧添糧不能不採買採買不能不擾累回眾豈不令回眾寒心勢將句通霍罕更難辦理終必歸朕所云內外俱困而後已該將軍等仍遵前旨再行妥議務令壯我國威仍不至擾累回子方爲妥善○是月貸奉天鐵嶺等五州廳及巨流河四處口糧江南昌等六縣水衝圩隄修費蠲緩甯古塔雙城堡雹災霜災新舊額賦緩徵奉天鐵嶺等四州廳縣江西南昌等三縣甘肅河州等二十州廳縣災款新舊額賦

十二月乙酉命富俊爲東閣大學士管理兵部以吏部尚書文孚協辦大學士調穆彰阿爲工部尚書以那清安爲兵部尚書昇寅

爲左都御史

由候補城

○戊子轉桂齡爲禮部左侍郎以陳用光爲禮部右侍郎

由內閣學士遷

○以恩銘爲理藩院右侍郎

由烏里雅蘇台參贊大臣

選

○己丑諭軍機大臣等長齡等奏詳議善後事宜及會籌查勘邊界各一摺據稱額爾古倫兩次出兵回疆地勢夷情均所諳習

今調補喀什噶爾領隊大臣可期勝任向來回疆參贊大臣總理八城事務各該辦事領隊大臣及換防總兵均受參贊節制各城常行事件俱報參贊備查緊要事件俱咨商參贊嚴辦著飭令額爾古倫遵照向例辦理惟喀什噶爾地處極西僅有邊務緊要情形採訪得實應一面馳奏一面飛咨參贊嚴辦並著飭知該領隊大臣遵照至喀什噶爾葉爾羌舊設回兵各四五百名據稱向來

回兵挑補兵額止圖免納錢糧並不操習技藝若能勤加訓練俾自保身家防禦外患更可收以夷制夷之效惟見在喀什噶爾英吉沙爾葉爾羌回眾疊遣兵焚甬經招撫歸業生計尙形拮据該將軍等與壁昌商酌擬俟回眾元氣漸復即令阿奇木將舊額回

兵先行挑補令綠營將弁認真教習操演如將來嫻熟技藝即可陸續頂補防兵著照所議辦理此時屯田一事最爲緊要該將軍等前將喀什噶爾查出叛產地畝出示招集民人撥種見經壁昌招得五百餘人陸續認耕著趕緊妥爲經理以期寓兵於農實爲

經久良策其葉爾羌地方能否招民開墾亟應查有見既合壁昌親往葉爾羌巴爾楚克一帶踏勘築壘建蓋兵房地址之便詳加周歷勘明即行會同詳議具奏至哈喇阿哲留回調應駐紮葉爾羌或即駐喀什噶爾著該將軍等察看情形酌量辦理其哈豐阿

郭繼昌巴清德德勒格爾桑齊克唐阿及吉林兵二十名著一併留駐交哈喇阿差遣將來隨同哈喇阿回京至籌議查勘邊界事宜據稱邊地幅員固未便置之不問而兵行卡外必須計出萬全此時不值輕出偏師或致別生枝節伊犁巡邊係常行之役請俟

來歲屆期由伊犁多添兵力著派領隊大臣照例巡查布噶特邊界令其不動聲色靜密查察如能徑赴吹搭拉所地方勘明有無

夷人與葉爾羌聚之處即據實奏聞備未便前至其地即作爲常例巡邊整隊旋回以昭慎重所見甚是著照臣一員於巡邊之便妥爲查辦再見在葉爾羌駐兵五千名喀什噶爾前經降旨酌留兵一千名又巴爾楚

名爲什

一路樹窩子一帶從前齊慎在彼駐兵處所酌派官兵一千名或數百名在彼駐紮統計兵數九千餘名亦足敷用所需軍火行糧務須豫爲籌備萬一卡外或有蠢動總要無需內地調兵籌餉方爲妥善該將軍等當通盤籌畫從長計議以免撥運之勞而成久遠之道至見辦屯田以回疆物產供回疆兵精將來挑補屯兵即可節省防兵之費所謂事豫則立勿致臨渴掘井該將軍等不可徒事鋪張總須計出萬全以期經久方爲不負委任○己亥長齡等奏嚴計兵餉經費得旨兵雖不虛增帑雖歸實用總是分損內地精華置於邊外之極邊以禦去來不定之醜夷我大清統壹寰區修明武備凡滿洲綠營分布天下認真教養以固邦基而有天下若如此長征遠戍卽獲保平安無非內地回疆看守家園如有不爰立費周章况重兵布列彼必不來是空竭精力也若守禦不足伊又逞其伎倆是仍勞救援也更恐日久奸夷探知吾意故爲牽制使我去守兩難勢不得已必致多加兵力耗竭糧餉於好夷毫無損傷試問成何事體又虞久駐多兵將領或失教練保無騷擾回疆者若內地回疆稍有離貳彼同聲同氣更不可不思及也是以總須得一小示羈縻暗收以夷制夷之道斯爲至善朕屢次所降諭旨無非在是○庚子諭儀親王明年八十有七雖精力如常不宜過勞來歲元旦暨正月十四日宗親筵宴均免其人宴著管理膳房之內務府大臣屆期頒果品菜餚一席以示朕篤眷懿親體恤高年之至意○諭陶澍奏江西引鹽滯銷實由粵私侵占賴縣收鎮地方粵省開設子店熬鍋日增全行衝銷准地請援照王守仁之法於贛州准粵交界之地設廠凡粵鹽之衝入者照淮課之數收稅卽以其稅撥補准綱之引課須於贛州收進一步地方勘明有可攔截之隘口設卡堵截如粵鹽再進仍作私論等語著江西巡撫吳光悅就近切實確勘地界廣爲察訪可否設廠試行妥切籌議辦理江西既設廠抽稅必須熟諳之員履勘形勢覈定章程原任贛州府知府陳煦輯私督銷頗爲出力該員見已起復著照所請准其留於江西交吳光悅差委辦理鹽務○諭陶澍奏開綱以來淮北止捆二萬餘引較定額不及十分之一本年將官收電鹽督商辦運均擇暢銷之岸先行運往以冀早收庫項而滯岸仍無鹽濟售民間既無官鹽不得不買向民販竈丁積有餘鹽亦不能不賣與民販等語著照所請准北暢岸仍歸商運其餘滯岸卽做照山東浙江票引兼行之法於海州所屬之中正板浦臨興三場分設行店聽民投行購買運往售賣擇各場要隘之地設立稅局給與照票註明斤數及運往何處字樣凡無票及越境者仍以私論著陶澍卽飭運司妥議條款酌量試行○乙巳諭軍機大臣等長齡等奏酌議善後事宜一摺據稱葉爾羌等處毋庸改設同知仍留葉爾羌喀什噶爾糧餉章京二缺令其管理民事著照所議辦理惟所稱僅裁英吉沙爾巡檢一員仍留葉爾羌巴爾楚克喀什噶爾及阿克蘇所屬拜城等處巡檢共四員此時葉爾羌等處既不改設同知所有此項巡檢四員亦著毋庸議增免滋流弊見計各城共添滿漢營官四十五員於喀什噶爾綠營舊額減去官弁三十四員實於西四城原設官弁外僅添十一員各該城邊界共設大小卡倫三十餘處需用綠營官弁較多准照前奏減定之數以資差遣至所稱將來通商事定夷情靖謐卽可由該參贊隨時酌量減撤見在添設防兵原係暫時權宜之計既據奏請通商事定卽可隨時酌量裁撤究竟如何減撤之處著

長齡等再行切實聲敘並詳議章程具奏以免將來藉詞延緩其烏什所添滿洲營官三員又由噶什噶爾原防額內減去綠營兵三百一十五名移駐該處酌用守備千總把總各一員仍著照前議准其安設該將軍等所保出力各員已另降諭旨酌量分別加恩已足以酬其勞績其另片奏請將革員牛坤扣滿成限三年釋回之處著不准行○以吳邦慶爲江西巡撫蘇成額爲漕運總督鍾昌爲倉場侍郎特登額爲直隸馬蘭鎮總兵官轉凱音布爲刑部左侍郎以恩銘爲刑部右侍郎奕紀署理藩院右侍郎學士署○調鍾祥爲江西布政使以潘恭辰爲雲南布政使補授廣西○調吉恒爲廣東布政使以程希采爲浙江布政使楊振麟爲廣東按察使由浙江鹽運使遷○是月展賑湖北江夏等十六州縣水災給江蘇上元等二十五州縣衛及丁谿等十五場水災口糧貸江蘇鎮江等二十七營湖南常德澧州各營水災兵餉展緩湖北咸甯等四州縣衛新舊額賦緩徵浙江烏程等四縣江蘇上元等七州縣安徽青陽縣水災額賦吉林三姓旗莊通賦○是歲暹羅琉球朝鮮越南來貢

道光東華續錄二十五

道光十二年壬辰春正月癸丑諭向來盛京五部侍郎及各省將軍都統副都統城守尉總管等有年班輪替進京之例嗣後著自到任之日起扣滿三年奏請陛見俱無庸年班進京至直隸總督古北口提督每遇鑾輿巡幸時得以扈從召見其年班進京之例亦著停止○甲寅諭軍機大臣等據長齡等奏遵旨覈議具奏一摺此次酌減滿漢防兵二千五百名各城文武員弁亦大加裁減統計舊額新增各大臣官員兵丁書識等歲需糧料合併西四城額徵各色糧石通融撥用已足供支無庸採買津貼又據和闐阿奇木伊斯瑪依爾等呈請歲捐糧一千二百石供添兵口食烏什阿奇木木薩等呈請在寶興屯工地內捐賞建築回城令屯兵歸城操演每歲歲額交糧石由回戶照數交納又西四城徵賦錢六千七百餘串除搭放外每年存贖普爾錢五千餘串見據該將軍等議定暫添防兵五千餘名需銀不過十萬兩若將存贖賦錢以二百二十文合銀一兩折算可充經費銀二萬三千餘兩此項存贖賦錢向係各城備貯充公按年報銷用款不一不皆散在兵販若將五千餘串錢文全數搭放兵餉則散有常期城市錢源益加充裕不至錢貴銀賤至安鑪鼓鑄止阿克蘇一城普爾錢文行用止在回疆非內地可比額鑄之錢與歲俱增展轉流通總不出八城地面見駐喀什噶爾征兵一萬數千人並未因此錢價騰貴等語既據該將軍等查明均係實在情形俱照所議辦理總在撫綏得宜以收長治久安之策○以喀什噶爾善後大局已定撤滿漢官兵歸伍○庚申裁山東撫標及兗州等三鎮兵額○乙丑毛式郅丁憂以沈維鏞爲左副都御史○丁卯諭軍機大臣等長齡等覆奏疊奉訓諭一摺覽奏俱悉此次暫添防兵既據該將軍等查明每歲需餉不過十萬兩各城額徵糧料足敷供支既無須採買即可不至擾累回眾著即照所請辦理並於回戶中挑選兵丁食糧充伍抽撤換防兵額其應撤征兵七千餘名亦著分起撤回仍著璧昌等察看情形隨宜辦理朕前次降旨因各城添設文員流弊滋多竟可概不議增此次請將巡檢一併裁撤仍照舊制所辦是其請暫留哈豐阿郭繼昌二員教演操防俾璧昌專辦地方事宜

哈豐阿郭繼昌俱著准其留駐督同各該弁派撥據防勒加訓練俟通商事定再奏明各回本任其從前青領駐兵處所既據查明在烏什卡外該處久已平靜自未便再往紮營轉令布噶特等疑懼見在烏什有防兵一千七百餘名足壯聲威該將軍請就西四城留防兵數通融分設較卡外紮營更為得力著照所請行仍准留周悅勝唐倬二員分投巡防彈壓俾聲勢益為聯絡設遇緩急相機應援出奇截擊至喀什噶爾英吉沙爾和闐兵數據該將軍等查明應難減撤著俟通商後再將喀什噶爾防總兵裁撤並將各城換防官兵次第刪減喀什噶爾見無籌辦事件長齡等即赴葉爾羌巴爾楚克一帶會同覈勘後在阿克蘇暫駐候旨遵行○長齡等奏查勘喀什噶爾等城應行修築並添建滿城衙署兵房即將叛黨變價與王下部知之又奏遵查明巴什阿哈胡里又稱明伯克係霍罕管事頭人滋事梗化皆其主謀今既照常貿易明巴什有利可圖自不至如前倔強從此卡內卡外可期靜謐報聞○陳若霖以年老休致以戴敦元署刑部尙書附註○庚午歲山西撫標及太原大同二鎮兵額辛未以惠豐為湖南布政使慶林為甘肅按察使附註○壬申諭正紅旗滿洲都統奏和孝公主之子福恩年已及歲仰懇賞給差使一摺福恩著加恩賞給委散秩大臣○予江蘇前任浙江溫州鎮總兵李景會重赴鷹揚宴賞一品銜○癸酉王引之丁憂以汪守和為禮部尙書附註○甲戌調裕誠為工部左侍郎凱音布為兵部左侍郎鄂順安為刑部左侍郎嵩憲為盛京戶部侍郎裕泰為盛京工部侍郎常文為盛京刑部侍郎以德興為盛京兵部侍郎○御史奏○調申啓賢為戶部左侍郎湯金釗為吏部右侍郎即以王楚堂為兵部右侍郎○丁丑定白陽白蓮八卦紅陽等教首犯遇赦不赦從犯亦不准援減例○是月展賑安徽懷甯等二十一州縣水災旱災並給懷甯等十七縣衛貧民口糧貸直隸大名等四州縣河南南邱等三縣災民米穀陝西葭州等四州縣江西南昌等十六縣湖北江夏等二十州縣衛湖南武陵等十州縣衛甘肅渭源等七州縣貴州桐梓縣災民口糧籽種緩徵山東鄒平等二十一州縣衛上年額賦及雜款

二月戊寅朔諭軍機大臣等本日據盧坤及海凌阿由驛馳奏湖南江華縣錦田鄉匪糾眾滋事起程前往督辦各一指上年十二月二十九日江華縣錦田鄉鄉人趙金隴聚集九冲鄉人五六百人在兩河口等處劫殺男婦二十餘名口經遊擊王俊帶兵往捕格殺鄉匪男婦十四名口擊獲鄉匪五名本年正月初五六日鄉匪復至洪江寨黃竹寨傷斃兵丁一名及書差民人男婦共四十五名口又總兵鮑友智正月初十日馳抵江華查明鄉匪趙金隴聚集長塘坪各寨糾眾約有千餘均給給紅布數尺裹首為號該總兵飛飭營縣派撥弁兵鄉勇將各衝路口概行防堵陸續獲匪應援奸匪二十餘人鄉民向稱安靜自入版圖以來百數十年從未滋事今事起倉卒定有起釁激變之由是否與毘連村民懷有夙讐抑被漢奸煽動變生必須將為首要犯趙金隴生擒嚴訊其因何糾眾搶劫務得確情並將抗拒殺人之鄉匪盡法懲辦先行出示曉諭散其脅從不得稍涉張皇致滋擾累其安分鄉人仍設法撫綏俾免驚擾吳榮光已於十九日帶同長沙協副將嵩齡前往查辦但湖南省城甚為緊要不可無大員彈壓盧坤見已帶

兵赴彼吳榮光著即折回省城無庸前往海凌阿見已在彼督辦朕思羅思舉久歷行陣更為得力前著盧坤酌量撥令該提督迅

速前往至擒獲之猖匪盤生堂所供趙金龍提劍作滾出水變火結草變牛顯有妖言煽惑情事總須趁此勢未燎原迅就撲滅或

四面兜擒聚而殲旃勿令竄往他處方為妥善其廣東廣西昆連處所見又飛飭該督撫提鎮於交界地方一律防堵其各府州縣

凡有猖民難處地方一律嚴密防範妥為撫綏俾免煽惑勾連別生枝節以致滋蔓儘須添撥弁兵即於湖南就近營分酌調以期

捷速而免糜費○諭本日據嵩海奏藩司孔昭虔患病不能護理撫篆請俟鍾祥到黔令其護理再行起程來京等語孔昭虔已明

降諭旨令其開缺回籍調理貴州藩司將麟慶補授鍾祥著仍遵前旨迅速前赴江西藩司新任嵩海著暫緩來京俟新任貴州

藩司麟慶到任將印信交其護理再行來京陸見可也○裁東河河標兵額○調經額布為河南按察使以蘇廷玉為山東按察使

由江蘇補極太道選○己卯 上御經筵○辛巳裁雲貴督撫鎮協各營兵額○壬午諭李鴻章等奏查禁鴉片煙來源一摺鴉片煙來自外

洋必應遏止來路見據該督等查明載運銷售各路嚴定章程絕其洋面私售之由著照所請嗣後洋人來粵貿易該督等剴切出

示曉諭並嚴飭洋商開導勿將煙上來帶貨艙僮經查出不得開船賣貨並嚴諭以貨船之外毋許另設船隻以杜私入之源仍於

省河禁止走私快艇潮瓊各屬商船不得攔近零丁洋面並著直隸閩浙等省各督撫嚴飭海口各地方官凡出洋販買船隻逐一

給與牌票並驗出入貨物毋許仍前偷販情弊該督等務當隨時查禁有犯必懲不得日久生懈○癸未以文慶為左副都御史

通改使○甲申諭梁中靖奏恒寒為洪範之咎微妄指查拏邪教株連冤抑所致不知政體是誠何心從來稂莠不去嘉禾不生愚民

習教傳徒妖言惑眾愈聚愈多必致滋事若一味姑息竟欲因噎廢食則涓涓不絕將成江河養癰貽患伊於胡底惟懲一儆百防

患未萌無使滋蔓此正朕為民除害同享太平之至意經正民與蒸蒸日上朕實有厚望焉○丁亥移建南河山野庵信壩於夏家

橋○修安徽銅陵縣江壩○己丑諭軍機大臣等向來直隸總督古北口提督馬蘭泰甯兩鎮總兵每過朕謁 陵時於行在進獻

活鹿鹿嗣後俱著停止○實授戴敦元刑部尚書調吏致微為刑部左侍郎以劉彬士為倉場侍郎由吏部調○調那丹珠署刑部

左侍郎裕誠為工部右侍郎常文為工部左侍郎以祥康為盛京刑部侍郎由刑部調○壬辰以奎瑞為理藩院右侍郎由吏部調○乙未

閩浙總督孫爾準卒贈太子太師予祭葬諡文靖賞其子慧惇進士慧員員外郎○以程祖洛為閩浙總督林則徐為江蘇巡撫吳

邦慶為河東河道總督周之琦為江西巡撫鄭祖琛為廣西布政使鳳來為福建按察使由湖南調○丁酉諭軍機大臣等據盧坤奏

報剿敗逆竄奔竄情形請飭調帶兵大員前往剿捕以期迅速肅功又據吳榮光等奏查明鎮守先期進剿逆竄雖有殺獲未能究

擒首逆以致逃竄裹脅將各員參辦並見在添調官兵堵捕緣由各一摺覽奏均悉湖南江華縣緝田鄉被匪滋擾經遊擊王俊

等帶領弁兵鄉勇由黃竹寨直搗賊巢焚毀追殺賊匪三十餘名復進攻殺賊四十餘人擒獲二人餘皆逃散毀其房屋衣糧與遊

擊李方玉兩路進攻長塘賊匪併力抵敵官兵施放槍礮復用火彈拋擊賊廠火發立時延燒殆盡計殺斃燒斃賊匪約三百餘人

首逆趙金龍與其夥黨奔逃擒獲匪供稱首逆逃往大竹山又有潛逃廣東八排之語又據親友智擒獲男婦八人供稱趙金龍弟兄先欲逃奔廣東八排至連州交界被兵截回見往九疑山並據逆裔盤福秀供伊係趙金龍手下藍旗大將管領百人被官兵打敗即將藍旗丟棄逃走趙金龍無處可走總想竄入九疑山躲藏與姪婦盤李氏等供詞相符見經該撫等派令官兵速赴大竹山搜捕復派長沙協副將嵩齡等前往藍山九疑等處堵捕據報匪竄入藍山境之五水獺山到處搶劫裹脅至二三千人欲入九疑山安頓巢穴見竄入江華所屬之麻岡地方搶劫黃河魯觀洞等處俱已派兵防堵此等烏合之眾不難迅速剿除見經該督飛調湖北提督羅思舉迅即挑選將備帶領熟練精兵一千名馳往剿辦統計前後所調官兵共有四千餘名之眾足敷防剿湖南省城不可無大員彈壓吳榮光著仍遵前旨於面晤盧坤後即行交代起程回省所有應用一切軍火器械寬為製備後路糧餉亦須源源接濟務派安員認真經理以專責成不可稍有遲誤盧坤此時自行抵該處著即督同海凌阿等及早剿滅免滋蔓延並將首要各犯一併就擒毋任遠竄至首犯趙金龍務要生擒解京盡法處治以彰國憲該逆有潛往八排之信已諭令李鴻賓等派員馳往緝拏並令廣西提督蘇兆熊前往該處與湖南交界處所堵守以防該匪竄入該撫等所參輕進及防堵不力之鎮守等官已另有諭旨分別降調○己亥以姚元之為內閣學士兼禮部侍郎銜_{出題}○庚子諭軍機大臣等本日據長齡等覆奏疊奉諭旨一摺覽奏均悉見在籌辦善後事宜必須熟商久安長治之模為一勞永逸之計其添兵固守一節係屬權宜之策所奏官兵減撤日少回兵挑選益多操演又復精銳設被誘脅轉屬藉寇以兵於邊防有損無益所慮甚為遠到此次議添兵糧咸需經費止在十萬兩以內一二年間再察看情形隨時減撤從此天威遠播即使張逆之子長成卡外諸夷亦不敢從中怙愾復萌覬覦俟西四城元氣漸復將回兵舊額補足認真教演以備調遣無庸再為加增以防後患俱照所議行屯田一事見據長齡等查喀什噶爾大營駐紮處所有地名喀拉赫依計延袤二百頃有奇見令已招之五百餘人分認耕種將來逃散回戶歸來即以見存叛產照數撥給嗣後再有承種民人於大河拐一帶附近荒地酌量分撥葉爾羌境內毛拉巴什賽克三一帶荒地俟巴爾楚克接連樹窩子等處築堡設汛後廣為招徠其修渠引水牛具籽種按則徵收各事宜須試種一年由璧昌詳議章程均著照所奏辦理惟添兵全在加意操防屯田亦宜廣為開墾總須實力奉行多一兵得一兵之力墾一頃收一頃之糧儻添兵不過虛糜糧餉屯田不過敷衍目前設有緩急仍須內地徵兵調餉尙復成何事體玉麟係伊犁將軍有統轄之責璧昌係葉爾羌參贊大臣有總理八城之任必應隨時認真稽查遇有訓練不精耕作不力即據實嚴參懲辦儻扶同隱飾經朕別有訪聞則惟玉麟璧昌等是問○是月貴湖南洞庭水師營駐紮災區兵餉華容縣被水各坑修費緩徵湖南鳳凰等七廳縣歉收屯田租穀江蘇句容等十八州縣衛水災通飭三月己酉諭軍機大臣等本日據盧坤等由五百里馳奏提督進剿被害並見在嚴堵要隘籌辦糧餉一摺覽奏俱悉提督海凌阿在甯遠下灌地方遣寶慶協副將馬賴領兵前進至池塘墟地方馬賴被槍陣亡海凌阿揮兵衝入賊羣剿殺連發數矢因路滑墜

馬被賊鬼賊逆擒竟傷提督大員深堪髮指揮淚覽之朕心悼惜之至已明降諭旨將該提督等賜卹並交部旗查明該提督等有無子嗣立沛殊恩以酬忠義該督等卽飭令各文武員弁於各要隘督兵固守毋稍疏縱並著於生擒各逆犯中嚴訊該提督副將究係何人所傷一經拿獲卽盡法處治以伸國法而抒憤懣至陣亡遊擊守備弁兵等並著該督等查明咨部一併照例賜卹所奏兵糧軍火均關緊要用費較繁不得不寬爲籌備既據藩司恩特亨額稟稱庫貯項下可籌備三十萬兩並於附近水次各鄰縣派碾倉穀陸續運解其永州及省城設局支銷著照所請行但不得張大其事致啓浮冒之弊至該匪烏合之眾除跳擲外別無他技見在江華甯遠藍山常甯各地方有猺山寨游竄掠食並圖聚脅自以堅壁清野爲上策尤須廣行出示散其黨羽毋令裹脅日多致成滋蔓其附近各土猺寨著撫諭安帖土猺等亦令其自相團練保衛其各要隘嚴密防堵各鄰縣團練鄉勇俾匪無食可掠無人可裹方爲妥善羅思舉見選精兵一千名備調可謂老練精於用兵者一俟兵力既足卽四面兜圍一鼓殲除至新任藩司忠豐據楊遇春奏留辦理秋審到任尙需時日前任藩司恩特亨額因丁憂開缺見當軍興之際籌撥糧餉豫備器械又設局委員各事宜自未便遽易生手恩特亨額著暫留湖南藩司之任辦理軍需俟軍務完竣再回京守制至鎮軍綏靖兩鎮均係苗疆重地未便更易見在湖南提督員缺請調齊慎所見原是但伊業經告病余步雲久歷戎行身經百戰就近調任必可得力已另降諭旨令其挑選精兵一千名帶同得力將弁迅速前來羅思舉未到之先著盧坤兼署提督羅思舉到永州卽著羅思舉兼署計余步雲到彼當亦不遠余步雲接印後與羅思舉相機商辦勦力同心自當及早戡定○辛亥 上親耕藉田○壬子 上啓鑒謁 東陵○免經過地方額賦十分之三○以粟毓美爲河南布政使朱樹爲湖北按察使由甘肅甘肅道遷○乙卯 上謁 昭西陵 孝陵 孝東陵 景陵 裕陵回鑾○已未 上幸南苑行圍○予海凌阿一等輕車都尉世職馬朝騎都尉世職○庚申諭軍機大臣等長齡等奏霍罕遣使懇求通商籌辦辦理一摺此次霍罕伯克遣使自遞稟照議允准至所稱該伯克情願抱經盟誓永遠翊戴此言未可盡信惟善後大局章程已定喀什噶爾總要商量長治久安之策妥爲防範萬一有事斷不宜輕易帶兵出卡其如何嚴密布置並葉爾羌等城如何聲勢聯絡務使彼此緩急足恃若赴援稍遲致有失誤定以軍法從事決不寬貸又弔噶爾拜等供稱霍罕屢被俄羅斯欺壓該伯克意欲帶兵前往理論由那林及哈薩克愛曼一帶經過儘布噶特等播造謠言懇祈勿聽等語霍罕與俄羅斯遠在卡外蠻觸相爭原可置之不問惟不許擾及邊界伊犁將軍等總當豫爲防備固不可稍存大意尤不宜輕率追捕致起釁端並著玉麟知照常德一體遵辦哈豐阿郭繼昌二員著暫留該處俟明春察看情形再行酌量哈呢阿應否留於該處或卽可飭回著長齡等商酌定議長齡見在善後事宜已竣著卽起程回京路過甘肅仍遵前旨與楊遇春安商南路換防官兵酌量變通事宜據實具奏玉麟著卽赴烏魯木齊審訊郭勒明阿案俟事竣仍回伊犁將軍本任○癸亥 上還京師○甲子裁甘肅馬蓮井州判狄道固原甯隴西安定中衛六州縣訓導○乙丑諭前據陶澍奏鹽務奏銷屆期請稍寬時日並察看淮北夫盡事宜分別覈辦